

浙江文叢

國權

〔第二十二冊〕

浙江出版聯合集團
浙江古籍出版社

浙江文叢

國權

〔第二十二冊〕
卷六十六至卷六十八

〔明〕談遷 著

江出版聯合集團
江古籍出版社

國權

黃品謙遷孺

起天啓六年

盡天啓七年七月

丙寅天啓六年

正月乙巳朔周應秋為左都御史起岳和聲右僉都御史
巡撫順天

己酉故御史方震孺永戍

壬子逐外戚新城侯王昇

癸丑陸鄉崇為右僉都御史巡撫浙江憂居未任

工部

兼太僕少卿曹欽程削籍所領陵工神木廠銀筭訖許歸刑科給事中潘士聞論其不簡敗群也士聞與欽程同門

談遷曰潘士聞非稱端謹猶以曹氏為不簡敗群則欽程之穢擢髮難數矣

丙辰工部尚書黃克纘罷克纘八旬重聽魏忠賢侮之左副都御史徐大化論提督九門主事呂一奏徐州管倉主時張璇九江鈔關主事王行儉北新關員外郎馬士杰并請毀李三才張雲翼毛士龍生祠

工部員外郎劉鱗長削籍以奔競也

吏部奏起前遼東招練副使劉國縉以糜帑被論不
已未諭內閣曰皇祖早建元良式端國本父慈子孝原
無間然而奸人王之寀翟鳳翀何士晉魏光緒魏大中
張鵬雲等乃借挺擊以要首功我皇考因哀得疾純孝
彌張奸人孫慎行張問達薛文周張慎言周希令沈惟
炳等乃借紅丸以快私怨迨朕纘緒正統相傳奸人楊
漣左光斗惠世揚周朝瑞周嘉謨高攀龍等又借移宮
以貪定策之勲而希非望之福將馮几之遺言委諸草
莽以待封之宮眷視若寇仇臣子之分謂何敬忠之義
安在幸天牖朕衷仰承先志康妃皇妹恩禮有加凡三

案被誣者皆次第賜環布列有位嘉言罔伏朝政肅清
特允部院科道之請命史臣編緝成書俟明倫大典啟
事輔臣少師顧秉謙丁紹軾太子太保黃立極馮銓為
總裁禮部左侍郎施鳳來右侍郎楊景辰詹事 姜逢

元 曾楚卿副之戶部左侍郎徐紹吉石僉都御史
謝啓光修撰余煌編修朱繼祚張翀華琪芳吳孔嘉簡
討吳士元楊世芳纂修中書舍人喬煒秦之垣李相騰
錄擇庚午開館名三朝要典

甲子尚寶司少卿范鳳翼大理寺丞姜習孔吏科右給
事中孫紹統戶部郎中吳鳴虞主事傅梅並以邪黨削

籍御史曾應瑞論之

薛鳳翔為工部右侍郎

戊辰張樸為兵部左侍郎兼右僉都御史總督宣大山

西
陳庶以失儀削籍

己巳閻鳴泰以原官兼右僉都御史整飭薊鎮邊徼巡

撫順天

金師合蒙古渡河五六萬騎攻寧遠副使袁崇煥倡總
兵滿桂叅將祖天壽副總兵朱梅等力禦之連發西洋
炮相持三日夜敵氣沮退走灰山斬二百六級初敵勢
張甚人心惶駭欲遁自崇煥堅拒氣始振關外九城屹

然拱護山海

大學士周如盤卒

吏部

夏之令卒于獄

二月甲戌朔

丙子御史高弘圖言東事久殷請暫停營建不許

李春 郭允厚為兵部左右侍郎郭允厚添註右侍郎
時推斬於中閔洪學不允

己卯兩廣總督商周祚言禮部以各省提學關防篆犯
御名改鑄惟江西山東山西未換今廣東亦應改鑄從
之

御史石三畏削籍以除議輕率薦舉失當罪之
禮科給事中李恒茂削籍奪官誥疏內悞山西為山東
甲申寧遠獻捷

己丑前太常少卿曾汝召叅政魏士前及前降編修方
逢年章允儒簡討顧錫疇丁乾學給事中熊奮渭郝土
膏章允儒主事李繼貞並削奪官誥土膏仍追駐南京
御史徐復陽所劾

御史田唯嘉違限三月餘削籍

庶寅奪故太常寺少卿鮑應鰲贈光祿寺卿故太僕寺
少卿陳大綬贈光祿寺卿亦復陽疏絕黨根也

蔭魏忠賢都督僉事仍宣付史館工部左侍郎崔呈秀言其觸事懷忠也

辛卯前御史張慎言坐監守自盜永戍肅州衛從山西巡撫柯臬之讞

談遷曰曹欽程之誣諸君子也俱下詔獄死獨張侍御就訊撫按或勸其擣椒自隨不之聽陽城令擬縣戍補伍之罪不得家別一觸嚴網殆無人理嗚呼罪疑維輕侍御殆不幸之幸也

逮前 御史周宗建左諭德繆昌期

李思誠為禮部尚書董可威為工部尚書畢自嚴為南

京戶部尚書張鶴鳴為南京工部尚書仍太子大保
癸巳故廣南知府周維翰贈叅政以家人瘴沒撫按閩
之請卹

戊戌孫杰為工部右侍郎協理殿門工程

御史倪文煥疏中外諸臣助餉

海運通判吳世科以千金寄弟中書舍人之瑞事發並
戕

來宗道為南京禮部尚書詹事府禮部尚書錢象坤罷
起許弘綱南京兵部尚書

癸卯郭鞏為大理寺少卿

是月攻覺華島楚右屯共燬糧七十萬石總兵楊麒不
救島將姚興賢李士登王錫斧王鰲李一葵張其性翟
繼臯徐國蓄金士麒俱敗沒

三月甲辰朔遼東總兵楊麒削籍山海關主事陳祖苞免
工部左侍郎崔呈秀論麒應援不前祖苞科索取怨
東廠獲遼人武長春云娶前南京禮部郎中洪敷教女
月餘女天繼李永芳女入京窺伺遂重論長春實狎伎
李鳳兒爭之見誣敷教後推保定守不許敷教辯其非
壻不過以遼官僅一人祈緩死耳

逮應天巡撫石僉都御史周起元前吏部員外郎周順

昌左都御史高攀龍御史李應昇黃尊素浙直織造太監李實恭其邪黨貪婪也實迎魏氏意空奏印入其黨劉若愚草上株及松江知府張宗衡同知孫應崑

丙午經畧兵部尚書高第引疾免

戊申太子太保左都督魏良卿封肅寧伯世襲賜誥券
磔武長春

諭內臣出鎮司禮太監劉應坤鎮守山海關御馬太監陶文紀用協守御馬監太監孫茂林武俊王莊朝守分中軍並駐山海關時閣臣進揭兵部尚書王永光特疏吏部尚書王紹徽等公疏止之丁紹軾上言不可以為

分將吏之精神害一掣戰守之肘害二文武相害陰嗾
鼓噪害三且太祖禁內臣不得典兵世宗罷除鎮守今
何遣也上覽之心動欲寢而首揆意右內臣工科給事
中虞廷陞入內閣工魏忠賢問閣部云何各相顧未發
馮銓曰上意已決即行何害

庚戌袁崇煥為右僉都御史巡撫遼東山海

蔭魏忠賢都督同知時有賈蟒幣於外戚王仲良者獻
校索之不得逮械死

辛亥劉志選為南京府尹

己未前左都御史高攀龍卒無錫人萬曆己丑進士聞

逮寫遺表固緘囑子世儒事急啓之詒家人寢而夜整
衣冠投于園池表曰臣雖削奪舊係大臣大臣受辱則
辱國故北向叩頭從屈平之遺君恩未報願結來生又
別友人陳僕得從李元禮范孟博遊矣一生學力到此
亦得少力心如太虛卒無生死何幻質之足恋乎崇禎
初贈太子太保兵部尚書謚忠憲

庚申南京戶部右侍郎區大倫魏說削籍奪官誥河南
道御史何早倫邪黨漏網也

御史牟志夔請追張問達贖命責十萬助餉

給事中 詩教免御史李懋芳論之

辛酉蘇人以周順昌清忠數著聞其逮也群毆從校李國柱死之官置顏佩韋等五人於法從人莖于虎丘名五人之墓

癸亥王之臣為兵部尚書兼右僉都御史經畧遼東薊鎮天津登萊間鳴泰總督薊遼

翰林院學士成基命罷以久依門戶也

鄭崇光

周大成罷

汪汝祥汪澍

削奪官誥從閣臣之請

禮部主事畢自肅為寧前道叅議兵部職方主事孫元化贊畫

丙寅

姜逢元罷以呈身門戶也

己巳刑科給事中周洪謨罷以久依門戶也

魏忠賢廕都督同知以捕盜功

四月癸酉朔

丙子工部左侍郎崔呈秀兼右僉都御史從御史田景新之請

應天巡撫右僉都御史毛一鷺巡按御史徐吉言蘄州民變上切責之

兵部右侍郎熊明遇巡撫順天右僉都御史鄧漢考功郎中鄒維璉巡撫宣府右僉都御史徐良彥並改戍右